



Dennis W. Hearne imenovan na funkciju prvoga zamjenika visokoga predstavnika

Visoki predstavnik Valentin Inzko izrazio je dobrodošlicu američkom diplomati, Dennisu W. Hearneu, koji je preuzeo dužnost novoga prvog zamjenika visokog predstavnika i supervizora za Brčko Distrikt.

“Sjedinjene Američke Države su još jednom pokazale i potvrdile svoju odlučnost i neprekidnu potporu provedbi mira u Bosni i Hercegovini, kao i mom uredu, imenovanjem iskusnoga američkog diplomata s izuzetnom karijerom, Dennisa Hearnea. Zadovoljstvo mi je izraziti dobrodošlicu gospodinu Hearneu na poziciju moga prvog zamjenika u OHR-u. Uvjeren sam da ćemo zajednički dati značajan doprinos i pomoći Bosni i Hercegovini da postigne svoj zacrtani strateški cilj priključenja euroatlantskim integracijama”, rekao je visoki predstavnik.

Prije dolaska u Bosnu i Hercegovinu, gospodin Hearne obavljao je dužnost zamjenika šefa misije u Američkom veleposlanstvu u Afganistanu. Prije toga je bio viši savjetnik američkoga državnog podtajnika za politička pitanja, veleposlanika Thomasa A. Shannona.

Gospodin Hearne ima bogato iskustvo na području Zapadnoga Balkana, gdje je u periodu između 1993. i 1996. godine radio u Hrvatskoj i BiH. Nakon toga je u periodu od 1996. do 1998. godine radio za Međunarodni krivični sud za bivšu Jugoslaviju.

U diplomatsku službu stupio je 1985. godine, a radio je u Brazilu, Portugalu, te imao nekoliko mandata u okviru Ureda za europska i euroazijska pitanja *State Departmenta* i Ureda za političko-vojna pitanja.

Dennis W. Hearne podrijetlom je iz Sjeverne Karoline. Na Nacionalnom vojnom koledžu stekao je magisterij iz nacionalne sigurnosne strategije, a diplomirao je na Wake Forest univerzitetu. Govori portugalski i učio je službene jezike zastupljene u Bosni i Hercegovini. Sedam puta je bio dobitnik nagrade za vrhunske počasti *State Departmenta*, a američka vojska dodijelila mu je medalju za izuzetnu civilnu službu.